

dlodo <. Duelektroda lampo.

dioptrio (Opt). Konverĝebleco de lenso, kies fokusa distanco egalas unu metron.

dioptriko (Opt). Parto de la fiziko, kiu pritraktas la refrakton de lumaj radioj tra diversaj medioj.

dipleksa < (pri sendaparato). Povanta efektivigi samtempe du malsamajn sencojn sur du malsamaj ondlongoj.

diplodoko 𐀓𐀕𐀔. Fosilia rampulo apartenanta al la ordo de dinosaŭroj, kiu atingis eĉ la longon de dudek kvar k la alton de kvin metroj, kun antaŭaj ekstremaj pli mallongaj k pro tio moviĝinta salte.

Diplomo. Oficiala dokumento atestanta rajton, privilegion aŭ rangon titolon: *pergamena, papirusa* ~o; ~o pri nobeligo; ~o de profesoro; post sukcesa ekzameno li ricevis la ~on de abituriento. ~i (tr). Aljuĝi ~on al: ~ita instruisto.

Diplomato. 1 Diplomatiisto. 2 (f) Ruzulo, havanta kvazaŭ ~an lertecon. ~a. De ~o: ~a ruzo, karaktero.

Diplomatio. 1 Branĉo de la politiko, koncernanta la rilatojn kun alilandaj registaroj. 2 Diplomataro.

dipsako 𐀓𐀕𐀔. G. de ~acoj, kies dornojn oni uzas por kardi ŝtofon (*dipsacus*).

dipteroj Z 𐀓𐀕𐀔. Klaso de insektoj, kiuj posedas nur du flugilojn.

diptiko. Fermebla pentraĵo sur tabulo, konsistanta el du kunfaldeblaj partoj.

***Diri** (tr). Konigi sian penson per vortoj, esprimi: ~i libere sian opinion Z; ~i koran dankon al iu Z; el la buŝo multaj vortoj eliras, sed ne ĉiuj ion ~as Z (estas signifoplenaj, gravaj); se oni povas tiel ~i Z; mi ~is al mi, ke popolo povas erari Z; ~i al si en la pensoj Z, en sia koro Z; oni rajtas ~i liun verkon tiel perfekta kiel povas esti homa faraĵo; (f) la senco ~as al ni, ke la sufikso estas necesa Z; la nerefuteblaj leĝoj de la logiko ~as al mi, ke tio estas la sola vojo Z. Kp **SCIIGI**, **ASERTI**, **PAROLI**, **RAKONTI**, **RIMARKIGI**. ~o. Tio, kion oni ~as. **Al~i** (tr). ~ante aldoni. **Antaŭ~i** (tr). Anonci okazontajojn. **Dis~i** (tr). ~ante disvastigi (Kp **BABILI**, **PERFIDI**, **DISPORTI**, **DISANONCI**, **DISTRUMPETI**). **El~i**

(tr). Vortigi, formuli, esprimi. **Kontraŭ~i** (tr). Esprimi kontraŭan opinion, kontraŭdiskuti. **Kvazaŭ~i**, **duon~i** (tr). Alude diri. **Laŭ~e**. Konforme al la komuna ~o. **Oni~o**. Komuna ~o, famo. Kp **KLAĈO**. **Popol~o**. Proverbo.

direklo Z. 1 Direktantaro, estraro. 2 Ejo okupata de direktantaro.

***Direkti** (tr). 1 Irigi iun laŭ la ĝusta vojo al difinita celo: ~u la *pelantojn* al la *inspektoro*; sin ~i alie Z. Kp **TURNI**, **ORIENTI**, **GVIDI**, **PREZENTI**. 2 Turni aŭ movigi ion al difinita celo (p. f.): ~i ĉaron, aŭtomobilon, pafilon, pafon, ŝipon B; ~i la rigardon Z, la okulojn Z, la paŝojn B, atenton, peton B, demandon, leteron al; ~i sian parolon al iu Z; ~i siajn klopodojn al io; unua paŝo iron ~as Z; for~i sian ĉaron; kuŝi kun la piedoj ~itaj al la pordo Z; surskriboj ~itaj kontraŭ la ministro, kontraŭ Italujo Z; mi ne scias, kien mi devas ~i la suspekton Z; ~i la interparoladon al alia temo B; leĝo ~ata kontraŭ la socialistoj; homo projektas, Dio ~as Z. Kp **CELI**, **ADRESI**, **GVIDI**, **KONDUKI**, **PILOTI**. 3 Gvidi k kontroli la konduton de iu: ~i lernantojn, parohanojn; ĉiu sin ~as, kiel la kap' al li diktas. Kp **ADMINISTRI**, **REGI**. 4 Gvidi k kontroli la funkciadon de io, ne kiel helpanto sed kiel ordonpova estro: ~i entreprenon, laboron, studojn, mastrumadon, orkestron, diskulon, firmon, gazon, konsciencon. Kp **KONDUKI**, **ADMINISTRI**, **REGI**. **Sin ~i al**. 1 Sin movi al io konkreta: sin ~i al la urbo, al sudo Z, orienten. 2 Celi al io abstrakta: ne sukcesinte, mi ~is min al la industrio. Kp **SIN TURNI AL**. ~iĝi al. 1 Esti movata al. 2 (f) Celi al: la aleo ~iĝas al la urbo; lia penso ĉiam ~iĝadis al tiu problemo Z. ~o. 1 Alcela linio: montri al iu la ~on; laŭ ~o al Z, en ~o al Z; multo da provoj estis farita en tiu ĉi ~o Z; turni en alian ~on; tiu okazajo donis la ~on al ĉiuj miaj estontaj celadoj Z. 2 Instrukcio por la rimedoj, kiuj kondukas al difinita celo: la kongreso difinis ~ojn al la plenumanta komitato. 3 Ago de tiu kiu ~as: li laboras sub mia ~o. ~a. ~anta. ~ado. ~o 3. ~ilo. Ilo por ~i ŝipon, veturilon, biciklon. ~ilisto. Homo, kiu, manovrante la tiucelan ~ilon, irigas ŝipon laŭ la difinita ~o.